



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Brevis Et Vtilis Commentarijs In Priorem Epistolam Pauli
ad Corinthios, & in aliquot capita secundæ**

Melanchthon, Philipp

Vitebergæ, 1561

VD16 M 2618

Sic pugno.

urn:nbn:de:hbz:466:1-36296

I. EPISTOLA AD

cupiditates priuatas. Et sic currit Paulus,
ὤσδικὸς ἀδικωτός, non cœco impetu, sine co-
gitatione finis, non sine prudentia eligen-
te media salutaria, non inconsulto studio,
ut currere his annis multos uidimus, non
malos homines, sed media non recte eli-
gentes, ut Huttenum & alios.

Οὐτως πυκτεύω.

Sic pugno.

VT prior similitudo à uago cursu sum-
pta est, ita hæc sumiturā pugile, qui
non ferit Antagonistam, sed aberrans, ce-
stum incutit uicino aerī. Sed sententia ea-
dem est. Significat enim & hæc simili-
tudo eos, qui aut nullo fine proposito tu-
multuantur, ut multi fanatici, & alij leui
homines: aut etiam si uerum finem intuen-
tur, tamen media uel negligunt, uel non
recte adhibent. Tales cum frustra laborent,
dicuntur & ipsi aerem uerberare. Ut in
publica gubernatione aerem uerberant
Doctores, qui de non necessarijs & incer-
tis dimicant, cum interea relinquant ne-
cessaria, ut qui litigant de forma uestis in
Liturgia: Aut in priuata uita Monachi
quærebant multos inutiles ritus. Ut ab-

stinentia

stinentia carthusiana à carne, prorsus est aet
erem uerberare.

Rursus laxare frenum ambitioni, aut
malevolentiae, & tamen præ se ferre studi
um religionis, etiam est aerem uerberare.

Hæ imagines, cursus, & pugilum cer
tamen, pingunt diligentiam prospicien
tem finem & media, quia cursum oport
et intueri metu, Pugil feriat antagoni
stam.

Et uterque uideat media, suo certami
ni necessaria,

Iam igitur de medijs loquitur, dicit se
frenare uiciosas cupiditates, ambitionem,
cupiditatem uindictæ, auariciam, incendia
libidinum. Vsus est autem insignibus
verbis: Multo plus est ὑπωτιάζειν, quam
frenare. Nam ὑπωτιά signifikat tumores
ortos ex plagiis. Inde est ὑπωτιάζω adeo
duriter tundo corpus, ut partes quassatæ tu
mescant, & siant liuidæ, quorum utrumq;
eo sit, quia percussione sanguis ex proprijs
ialis excutitur, & circa locum ictum con
currat, ubi destitutus suo calore, fit pus.
Esi discrimen traditur inter hæc: ὑπωτιοψ
macula, ὑπωτιοψ purulentum, & τελιώ
ματα liuores: tamen uicina sunt, sicut
effectus coniuncti sunt, scilicet putrefa-

F ctio,

I. EPISTOLA AD

ctio, & cutis pallor seu liuor. Significat igitur Paulus duras repressiones affectuum, quæ cum aliquo dolore fiunt. Vt tollerantia in dissimulanda obtrectatione, & in ferendis iniurijs, quæ reprimit gloria aut vindictæ cupiditatem, non potest prestatari sine acrisensu doloris, ut inquit Iuninalis :

At vindicta bonum est, uita iucundius ipsa.

Reprehendit aliquis ualens autoritate sententiam a te recte traditam, & uidetur aliquid de tua autoritate detrahere, hanc iniuriam sœpè prodest dissimulare, sed sine dolore id fieri non potest. Ita cæteri affectus ardenterores non sine dolore reprimuntur, Ira, Amor. Si es incensus iusto amore, uitanda est consuetudo, oculi regendi, auertenda mens est labore aliquo seu studio, quod assiduitatem aut intentionem flagitat. Hæc omnia uocat duritatem tundere corpus, & in Seruitutem redigent, id est, cogere, ut mentis iudicio facile obtemperent cor, oculi, lingua et cetera membra. Hæc se facere inquit, ne amittat habitudinem uitæ æternæ. Hic rursus admonet, nouam obedientiam necessariam esse, nec esse quiddam ἄδικόφορο.

Cum

Cum autem nonnulli hunc locum ci-
tarint ad confirmando Monachorum ex-
ercitia, pauca etiam de ea accommodatio-
ne dicenda sunt.

Paulus in genere loquitur de necessa-
ria & seria cupiditatum repressione, non
loquitur de Ceremonijs & Simulatione.
Ut non ideo reprimit ambitionem Tece-
lius, quia sordidam uestem Monachorum
gerit. Sic non ideo reprimit flamas amo-
ris, quia non comedit carnes die Sexto.
Vera ac seria diligentia cohervendi uicio-
sas cupiditates semper est necessaria. Ut
Temperantia semper est necessaria, inedia
certorum dicrum, non est necessaria, sed
suo cuiuscippe iudicio relinquatur. Loqui-
tur autem de uirtutibus necessariis, & te-
riis earum exercitiis, de reprimenda ambi-
tione, Ολονομία, iracundia, aemulatione,
avaritia, de extinguendis incendiis libidi-
num, & alijs malis.

CAPVT DECIMI

M V M.

Postquam ingressus est in hanc com-
monefactionem de Diligentia bene
operandi, iam attexit longam concionem,

F 2 in qua